

Ngoenzneix Youh Daengz Sam Nyied Sam

又是一年三月三

□ Cinz Siengzcouh / 覃祥周



Gwnzfaex duzroeg heuhcican,
Sachndei haeuj ranz angqfaengfaeng;
Sam nyied cosam youh daeuj daengz,
Caez guh haeuxnaengj dumq gyaeq eq(hoengz).

Ngoenzneix youh daengz Sam Nyied Sam,
Bouxboux sim van baenz oijmoih;
Youq gyang Namzningz guh fwendoiq,
Bouxlaux bouxnioh(iq) caez daeuj ngonz.

Vadauz hai hoengz vamaenj hau,
Sam nyied dauq daengz ngoenz cosam;
Lwglan Mbanjcuengh caez sim van,
Mbouj guh fwen han sim mbouj onj

Lajmbwn ceiq raemh dwg faexcid,
Baklinx ceiq lik(giuj) vunz Guengjsae;
Dauqcawq canghfwen caeuq canghbeij,
Fwen lae cien leix bae mbouj duenh.

Miz raemx miz raiz va cij hoengz,
Miz namh miz ndoeng faex cij mwn;
Haeuxreih haeuxnaz ciengx vunz gwn,
Beijmbanj beijgun caux lienghleih.

Duzlungz ceiq maij raemx haij laeg,
Duzfungh ceiq naek(maij) haeuj ndoeng mwn;
Sam nyied beij fwen ceiq maez vunz,
Boux youq biengz wng lij buet daeuj.

Gij roeg ceiq gyaau dwg duzfungh,
Gij va fuzyungz vunz ceiq maij;
Guengjsae sam nyied baenz fwenhaij,
Seiq fueng bet baih vunz daeuj coh.

Beij fwen doiqciengq bibi miz,
Hawfwen gizgiz hai sing lengj;
Aeu fwen cienz cingz doengzcaez ciengq,
Vunzlai doxciengj hwnj godaiz.

Gyoengqraeuz docih Dangjcunghyangh,
Swngghoz siujgangh van raixcaix;
Dangj raeuz youh hai Ngeihcib Daih,
Naemj aeu gaiqgaiq engqgya ndei.

Gou vih guekcoj raeuz angqyangz,
Bouxminz vih(diegvi) sang gangj mbouj liux;
Binghraq gwnzbiengz deng gyaep deuz,
Beksingq caez heuh ndei dahraix.

Dangj raeuz lingjauj mbouj bingzciengz,
Cungj vih gwnzbiengz caux fukheiq;
Mbouj lwnh bouxhung rox bouxnyaq,
Aeu sim hoengzmaeq riengz dangj byaij.

Angq gvaq ngoenzndei buetyouyou,
Guek raeuz minz fouq vunz sim van;
Doxgiet haengguh doengz fazcanj,
Ciengxlwenx mbouj anj(baeg) miz goengrengz.

Mbanjcuengh cietgo gyong laz yiengj,
Gwnz laj beijfwen goenjfofo;
Ciengq go diuqfoux daeuj angqhoh,
Cien roen fanh loh ndwethumhum.

Cin daeuj va hai fwen lumj haij,
Neiungz cingcaij biengz hoengzoz;
Yamq din byaij haeuj seizdaih moq,
Eufwen ganggoj daeuj danqhaenh.

Laeuj ndei laeuj van dawz daeuj gingq,
Beijfwen ndeidingq ciengq mbouj caez;
Cingzngaih naekna ciengzseiz geiq,
Baengzyoux seizseiz cungj doxniemh.

Lwgmbauq lwgsau bae bo cunz,
Bouxboux riunyum lumj va hai;
Beijfwen yied eu yied miz lai,
Va hai mbouj byaiz cingz mbouj duenh.

Faex sang cien cik mbouj liz rag,
Lwgmak hunghag mbouj liz gaeu;
Mbanjcuengh gizgiz fwen ndwetdouq,
Liuz Samcej raeuz mbouj ndaej lumz.

Lajmbanj hwngvuengh ceiq habsim,
Dangj vih bouxminz laeb goenglauz;
Caux guh fazcanj mbouj doenghngauz,
Doengh go vadauz hoengz rim deih.

Lajmbanj fazcanj biengz cix ak,
Ndaem haeux ndaem mak caiq ndaem byaek;
Ciengx mou ciengx gaeq youh fat raet,
Gyanghaemh gyanghaet mbouj you maz.

Baengh dangj hawj fwed raeuz ndaej mbin,
Baengh guek hawj din raeuz byaij gya;
Sevei cujyi cwngcwz ndei,
Ranzranz cij ndaej bienq fouqmiz.

Bya raemx miz cingz vunz miz eiq,
Va hai ciengzseiz ronghcancan;
Ngoenzngoenz ciengq go youq mbanjranz,
Bouxboux bak van lumj dangzrwi.

133. Daenj diuz buh cuk cah,
Cej daihvah maz daiz,
Miz mauh mbouj miz haiz,
Daemx cungj gvaig lo le.

(Roeg dungjiding mauh)

134. Daenj diuz buh raiz bie,
Youq ndaw rungh bya sang,
Rumz baek de mbouj gangz,
Hoiz namz de cij swenj.

(Duzaekex)

135. Miz di daeg vunz rungh,
Congh de gyoengq couh ndonj,
Guhcaeg daengz ranzrongh,
Vunz dongx mbouj rox han.

(Duzsap)

136. Haemh laep daengz raizra,
Couh doxdaz haeuj rug,
Ninz lij suenqsuebsueb,
Genbuh duk baenzhwnz.

(Duzgaeq)

Vah Duenz

谜语

□ Soucomz Cingjleix Veiz Daz

137. Lij saeq de couh yungz,
Hung le couh ok gaeq,
Hix miz dungx miz saej,
Ra ok haex mbouj raen.

(Namzgva)

138. Gvanbaz doxcaeuq ninz,
Roengz ding cij ndaej youq.

Meh iet goeng couh haeuj,
Caen hoj yawj le lwi.

(Faggeuz)

139. Miz di caeg vunz lanh,
Baenz bang youq goekbya,
Doxdaej couh cungj caz,
Baema hawj vunz soengq.

(Diuz gvendou)

140. Miz fan mbinj saeq ciq,
Dak lij mbouj rox sou,
Hai va cij cuengq gyoux,
Dawz ok haw bae baij.

(Gogyoij)

(19)

